

Spěchuja dorost

Budyšin (SN). W jutrownych prózdninach organizuje Serbske šulske towarstwo (SŠT) zhromadnje z dalšimi akterami přěni raz serbski koparski camp. W Njebjelčicach, Ralbicach a Chrósćicach so serbski dorost zetkawa. 32 dźěći w starobje dźewjeć do dwanaće lět (młodžina E+D) so na nim wobdźěli. Młodych sportowcow je trenar Tadej Cyž zhromadnje ze zamołwitymi sportowych towarstwow po jich wukonach w kopańcy nominował. Při tym bě tež wažne, kajke nastajenje maja dźěći k pravidłam fairnosće w sporće. Hłownu organizaciju staj přewzałoj Michaela Rabowa, sobudźěłaćerka SŠT za kubljanje swójbow, a Tadej Cyž jako trenar wubranki dorosta starobneje skupiny D. Jimaj poboku su tři trenarjo a štyrjo cotrenarjo. Projektna towaršnosć LUCIJA budže camp digitalnje přewodźeć a dokumentować.

Nimo sportowych wukonow je tež serbski rěčny rum wažny stołp projekta. Tohodla je projekt ZARI w nošerstwje Domowiny kooperaciski partner SŠT. Zaměr je, wobdźělenym zbližić, zo je serbsčina tež na sportnišću samozrozumliwa. Z pomocu naprašnikow ma so potřeba, ale tež wužadanja za trenarjow a sportowe towarstwa zwěšćić.